



Il chor dalla «Stimmwerkbande» suenter sia producziun a Ligiaun.

FOTO A. L. KLUCKER

La «Stimmwerkbande» se presenta alla fiasta da Cuera

Africa ed America ein ils puncts culminants da lur program da cant annual

■ (cp) Aunc avon ch'igl onn da scola entscheivi ha la «Stimmwerkbande» gia sia emprema presentaziun. Sonda proxima se presentan els dallas 17.00 tochen allas 18.00 sil Hegisplatz. Ella secunda jamna da scola entscheivan las emprovas regularas puspei. Il frestg, gagliard ed innovativ chor d'affons e giuvenils presenta era uonn eveniments captivants. Ei contan, semuentan e saultan ella formaziun dil chor, en pintgas gruppas ni schizun persuls e vegnan instrui da scolasts da cant e sault ch'ei ein plein motivaziun ed entusiassem, aschia che lur legria sepeglia. Mintgin anfla tier la «Stimmwerkbande» ina purschida, grazia alla quala el vegn sustenius e promovius sin siu nivel.

Perquei eis ei era adina dapli giuvenils denter 16 e 25 onns e carschi che se preparan en paucas e divertentas emprovas per in concert. Igl ei legreviel che gest la participaziun da buos e mats crescha.

Ina culminaziun suonda la proxima – program da Nadal ed Africa

Gia all'entschatta dallas vacanzas d'atun partan ei per quatter gis pil camp a Bogn Ragaz. Sper cant, sault, giugs e divertiment vegn luvrau vid il program annual, da maniera che la formaziun daventa in bugl – ina «banda».

Era ils pli giuvenils dils cantadurs e dallas cantaduras vegnan a dar in concert da Nadal da cuminonza culs «European Champions», il vocalensemble Incantanti. Ina culminaziun speciala vegn ei a dar alla fin digl onn da scola cun la viseta dil chor partenari american, il qual viseta la «Stimmwerkbande» gia per la tiarza ga.

A caschun dils concerts annuals il matg conta la «Stimmwerkbande» oravontut canzuns ord igl intschesch cultural europeic ed era talas ord igl intschesch cultural african. «N'kosi Sikel' iAfrika», il himni dall'Africa dil sid, vegn ad esser mo ina part da quei program entusiasmont.

Slargau la regiun d'activitad

L'entschatta digl onn da scola ei ina buna caschun d'entrar ella «Stimmwerkbande». Margis, ils 22 d'uost ha l'emprema emprova liug a Tumein allas 17.30. Suenter in pign aperitiv vegnan geniturs, interessents e naturalmein las cantaduras ed ils cantadurs informai davart il program previu. Ils responsabels prendan bugen encunter annunzias per fuffergnadis. Uras da fuffergnar pon vegnir frequentadas la secunda e la tiarza jamna da scola. Dapi che la «Stimmwerkbande» fa buca pli sias emprovas mo a Tumein, mo bein era mintga margis a Cuera, eis ei vegniu slargau la regiun d'activitad. «Ils geniturs organischeschan mintgamai cuminonza da viadi, aschia sereducescha il squetsch da far taxi per frequentar las emprovas», gi il dirigent e menader general Christian Klucker.

Informaziuns davart las emprovas, formular d'annunzia, cuosts e persunas da contact ein d'anflar sut www.stimmwerkbande.ch

La revisiun totala da la lescha da vischnancas

■ (cc) La regenza ha deliberà la missiva tar la revisiun totala da la lescha da vischnancas per mauns dal cussegl grond. Suenter passa 40 onns duai il chantun Grischun survegnir in relasch general modern che permetta a las vischnancas vinavant ina gronda libertad d'agir. Uschia vegnan resguardadas las finamiras da la refurma da vischnancas e vegn rinforzada l'autonomia communal. La lescha da vischnancas vertenta è entrada en vigur il 1. da fanadur 1974. En quests passa 40 onns è la lescha da vischnancas sa cumprovada per gronda part. Pervia da differents revisiuns parzialas han dentant patì la survista e la legibladad. La proxima revisiun totala permetta d'integrar encunuschiessas essenzialas e da valur generala or da la giurisdicziun sco er or da la pratica e da serrar largias giuridicas.

Gronda libertad creativa per las vischnancas

La lescha da vischnancas è il relasch general per che las vischnancas possian organisar en moda optimala l'adempliment da lur incumbensas. Ils resuns da la consultaziun han procurà per in project da lescha anc pli concis. En il dretg chantun vegn reglà mo quai che sto esser il medem per tut las vischnancas.

Las vischnancas grischunas han ina gronda autonomia. Da quest aspect tegna quint er la revisiun totala da la lescha da vischnancas. Il dumber da regulaziuns na s'augmenta pia betg. Cun fusiuns da vischnancas vegn rinforzada resp. restabilida lur autonomia. Las finamiras da la refurma da vischnancas (vischnancas fermas ed autonomas) sa mussan pia er en la revisiun totala da la lescha da vischnancas. A las vischnancas duai vegnir laschada ina libertad d'agir uschè gronda sco pussaivel per chattar atgnas soluziuns.

Las midadas las pli impurtantas:

– La suprastanza communal duai pudair concluder en atgna cumpetenza adattaziuns da relaschs communalas al dretg su-

periu sch'i n'exista nagina libertad legislativa.

– Votaziuns consultativas èn admessas sin basa dal dretg chantunale e senza ina basa supplementara en il dretg communal.

– Sco las sesidas dal parlament communal èn las radunanzas communalas da princip publicas. In'obligaziun da prender recusaziun na duain las vischnancas betg pli pudair prevair.

– Excorporaziuns da facultad da vischnancas burgaisas n'èn (cun excepziun da talas a la vischnanca politica) betg pli admessas.

– La fusiun da vischnancas vegn reglada en moda pli concisa sin basa da las experienschas ch'èn vegnidas fatgas l'ultim decenni. Percunter vegni desisti – cuntarri a la consultaziun – d'ina rolla pli activa da la regenza areguard ils projects da fusiun.

– Ina pon betg pli vegnir furmadas novas fracziuns sco corporaziuns autonomas.

– Differents termins vegnan adattads al temp dad oz resp. a las circumstanzas midadas (convocaziun da la radunanza communal, inoltraziun dal quint annual).

– Ils statuts da las corporaziuns da vischnancas na ston betg pli vegnir approvads da la regenza.

Areguard il dumber da commembers da la suprastanza na vegnan fatgas naginas midadas. La regulaziun vertenta resta. Medemamain èsi admiss er vinavant ch'ina vischnanca cun parlament prevesa ultra da la votaziun a l'urna supplementarain la radunanza communal per tschertras fatschentas. D'ina revisiun parziala da la costituziun chantunala, sco ch'ella era anc prevista en la consultaziun, pon ins pia desister. Igl è previs ch'il cussegl grond tractia la lescha da vischnancas en la sessiun d'october 2017. Las novas basas giuridicas duain alura entrar en vigur per il 1. da fanadur 2018. Nua che las vischnancas n'adempleschan betg las prescripziuns organisatoricas da la lescha da vischnancas ston ellas adattar lur basas communalas fin la fin da l'onn 2022.



reclama

GATIS BUS ab Chur und zurück

TICKETS & INFOS www.schlagertage.ch

an der Rheinquelle
Schlagertage
Sedrun 8. & 9.9.2017

VANESSA MAI, JÜRGEN DREWS, MICHELLE, ANNA-MARIA ZIMMERMANN, ROSS ANTONY, LORENZ BÜFFEL, MELISSA NASCHENWENG

Ski Arena, RING GARAGE, VON SALIS, ZÜRICH, energy, L'Espresso

erotik.suedostschweiz.ch

Neu in Chur! Top Thai – heisse Erotikmassage
A-Z, 24 Std. junge Frau. 076 666 28 22

Blut spenden hilft
Leben retten

Konzentrationsprobleme?

Der wiederkehrende Atemstillstand im Schlaf – das Schlafapnoe-Syndrom – kann die Ursache sein. Die Folgen eines unbehandelten Schlafapnoe-Syndroms sind vielfältig und einschneidend für Ihre Gesundheit. Machen Sie den Risiko-Test für erhöhte Tagesschläfrigkeit unter www.lungenliga.ch.

Spendenkonto: 30-882-0
www.lungenliga.ch

LUNGENLIGA

plazzas.gr.ch

GRISCHUN

L'uffizi per industria, mastergn e lavur tschertga ina/in

cussegladra u cusseglader da personal per il CIL a Cuira

L'uffizi da migraziun e da dretg civil tschertga ina/in

assistenta u assistent per l'integraziun professiunala (80 - 100 %)

L'administraziun da taglia tschertga ina/in

cumissaria juniora u cumissari junior da taglia (persunas cun activitad da gudogn dependenta)

L'uffizi da construcziun bassa tschertga per Cuira ina/in

spezialista u spezialist per il SIG

Infurmaziuns detagliadas chattais Vus sut plazzas.gr.ch